

THU AWMTE

1.	Editorial	2
	<i>Sermon:</i>	
2.	Sim rawh u, Van ram chu a hnai tawh e	3
	<i>Ram chhung Pastor-te:</i>	
3.	Rawngbawlna Report	8
	<i>Article:</i>	
4.	March zin kawng	22
5.	Sûnna	30

APRIL THLA CHANG VAWN:

Chu chhang chu in ei a, no chu in in apiangin,
a lo kal leh hma loh zawng Lalpa thihna chu
in entir thin a ni si a.

I Korinth 11:26

*Shofar Chanchinbua thu chhuahte hi Editor
ngaihndan a ni vek kher lo. —Editor*



Editorial

Simna

Simna tih hi eng nge a awmzia kan briat chian a tul hle mai. Sim chu ti tawh lo tihna kan ti thei ang. Miin thil eng emaw a tih than tak ti tawh miah lo tura a kalsan hi sim chu a ni. Simna ti pawhin kan sawi thei ang.

Pathian chuan sual kalsan a hawi kir leh tawh lote chungah a ni a zahngaihna a lantir dawn ni. Eng pawh kan lo tvisual thei, kan chin thin thil tha lo pawh tam tak a awm thei a. Heng zawng zawng ti tawh lo tura kalsan thei kan nih a ngai. Chawlh-san tih te, nghei tih te, khap beh avanga tih loh te hi sim tih nen hian a inang lo. Sim a nih chuan tih leh tawh loh a kawh a ni.

Pian tharna tih hi simna nen hian a kal kawp tlat tur a ni. Piang thar inti, nun tha

lo bansan si lo chu amah leh amah a inbum mai a ni.

Matthaia 3:8-ah chuan, "Sim hming pu tlakin rah rawh u," tih Lal Yeshua sawi kan hmu. Mite hmuhah pawh, "Hei chuan a sim Chiang hle a nih hi," tih theih khawpa kan nuna a lan chhuahna turin sual thil tih kan sima kan bansan loh chuan Chhandama kan awm tawhna hi chang phak lo khawpin kan nun hlui sualah kan let leh thei a ni. Hei hi briain Yeshua chuan sim tak takna a duh a ni.

Mi tu pawh a nunhlui sual kalsana nun thar nen Pathian rawng a bawl chuan Pathian pawhin a ngaidam thei a, a sualte a briatrengsak dawn lo tih kan hria. Chuvangin kan lo sual tawhna leh tih sual tawhte laka chhuakin Sima Pathian lam kan hawi a pawimawh takzet a ni.

Sim rawh u, van ram chu a hnai tawh si a.

SIM RAWH U, VAN RAM CHU A HNAI TAWH E.**Luka 13:3***Pastor HC. Zosanga*

Nangni pawh insim loh chuan chutiang bawkin in boral vek ang. Ringtute nunah hian sim tur a tam hle mai a, IKorinth 6:9-10 kan chhiar chuan, “*A nih leh mi fel lote chuan Pathian ram an luah lo vang tihin hre lo em ni le? Bumin awm sub, inngaih hmangte emaw, uirete emaw, mi hurte emaw, mawngkawburte emaw, ruk hmangte emaw, mi duhamte emaw, zu ruiah hmangte emaw, mi hau hmangte emaw, hleprute emawin Pathian ram an luah lo vang.*” Mihringte hian chatuan thilte leh a thlarau tana rorelna lo thleng turte hi a ngaihtuah peih loh zawng tak a ni a, chawp leh chilha a thil tha lo tih ten a vuak let lai ngei pawhin sim a tum chuang lo.

A tihsual hnuhnun ber chu eng emaw chen insûmin han chawlhsan ve bawk thin mah se, thlêmna a lo then leh rualin a châknaa hruai bovin a awm leh mai thin, ti tawh lo turin a intiam a, a thutiam chu a bawhchhhe zui leh a, a tiam leh a, a bawhchhe chawp leh chilh a, chutiang chuan a kual a kual a, hei hi Pathian pawikhawihna leh a mah hmuhsitna a ni. Simna hi engvanga pawimawh nge a nih i lo sawi teh ang. Hei hi Pathian lehkha thua ngei

pawh chiang takin kan hmu a, Pathian lam hawi duh lo leh sim duh lote chu an sualnaah chuan an thi ang a, thisen mawh chu an mahni lu chung ngeiah chuan a awm ang.

Mi zawng zawngin thil kan tisual tawh avangin Pathian chuan sual leh bawhlawh chhete pawh a hnena awmah a duh lova, a pawm theih loh avangin, sim hi tih mâk mawh a ni. Simna hi thinlung thlak thlengna leh nun danglamna a

ni a, chumi hma chuan Pathian nen a chen dun theih loh, sual leh Pathian i hmangaih kawp thei lo va, Pathian leh sum rawng i bawl kawp thei hek lo. Mi bawlhhlawhte reng reng Pathian hmaah an ding thei lova, tuna i nih dan ngai ngai khan van ramah luhtir ta che sela, van ram chu i tan hremhmun ang tho a ni ang, van angelho zai rite chu i tan a bengchheng lutuk ang a, hrehawm i ti lutuk ang. Chuvangin tuna i nihphung kha thlak phawt a ngai a ni. Pathian mi i nih a ngai a ni.

Chuti lo chuan chatuanin in leng dun thei lovang. Pathian rawngbawl hi hrehawm i tih zawng a niha Dakar khat inkhawm pawh i peih loh chuan engtin nge a mah faka Lal thutthleng hmaah leh Beramno hmaah chatuana zai chu i peih teh lul ang, rei i ti lutuk ang a, i tuar zo tawp lo vang. Chu hmun ropuia lengte chuan chu chu an hna ber tur a ni a, sual reng reng a awm lohna sual hawisana amah pan duh

lote reng reng an luh lohna hmuna lut tur chuan sim chu tih makmawh a ni, Chuvang chuan sim la, hawikir leh rawh.

Engtizia nge ni, sual ngaih-damna chang hauh si lova, engthawl tak leh ngaih tha taka ila awm theih chu le! Pathian thu chu a daw ngai lo va, khatia suala i thi a nih ngat chuan khawngaihna kawng hi chatuan atan an khar hnan dawn che a, chatuana zual zel tur hremna rapthlak tak chu i chang ngei dawn.

I hlimna thlakhlelte hi eng ang chiah nge maw a nih chu le? Rei lo teah an ral a, engmah lovah an chnag leh thin, rei lote atan mai a ni. Châkna tizual tawh lek duh tawk ngah tih awm si lo, nun tuihal tizualtu thinlung tikhouha Lalpa min hnaihtir thei lotu atan zawng a nep em mai. He khawvelah ngei pawh min tichhetu mai an ni a, sim loh pheih chuan khawvel thar lo la awm tura chhiatna rapthlak thlentu tur an ni leh nghal. Setana hna an thawk tih

an hre si lo, Setana hnathawktu chuan Setana hen aṅangin a thawh hlawh a la tel dawn si a, chu chu chatuan thihna leh thiamloh chantirna chu a ni.

Chuti lamah chuan i âtna leh i sualna te, i chan chauhzia te, i chungpik ziate chu aw chhang bur khawpin i la ṭahpui ang a; mahse, tuman an bengkhawn tawh lo vang che u, tuna chhandamtu ngilnei hi roreltu khauh takah a la ṭang dawn si a, Pathian chuan mi zawng zawng tan khawngaihna hun a pe a, simna hun leh insiam ṭhatna hun a pe a, chu hun pek hawisana ngaineptute chu chhandam an ni dawn lo. Chuvangin sual lam kawnga la kal zelte hnenah hei hi ka sawi duh a ni, i hun hlu tak chu hmang ṭha duh lovin i thlarau nunna chu a ngainep ngam chiah maw? Khawvel hlimna leh lâwmna i zawn leh i chen mekte hian nakina i chan tur chu ei rala, chatuan hlimna leh lâwmna chu Setana hnenah i hlân a, chatuanin lungngaiin i la rûm dâwn.

Tun hi khawngaihna hun a ni a, i sualte i sim theihna turin Pathianin a rawngbawltute a pe che a, mahse, ngaithla duh lovin hlimhlawp i la bawlsan fova, nakin lawkah chuan an awm tawh lo vang, chutih hunah chuan he hun ṭha hi mit khap kar pawh hmuh leh tumin khawvel leh a hausakna lêt sang sawm pawh hi pe dâwn mah la, i hmu leh tawh ngai lo vang, khawngaihna leh zahngaihna ni hi a liam tawh ang a, Lal Yeshua thisen tuna i kephah hnuiaia i rahbeh far khat pawh i au far tawh lo vang. Messia leh a zahngaihna ni hi vawi khat tal hmuh leh châkin i la ṭap dawn a ni. Nimahsela, i ṭap thlâwn ang, Pathian chuan tunah hian hun ṭha a pe che a, a pe leh tawh lo mai thei che a ni. Pathianin hun a tih hi, hun i tih loh chuan i hun tih chu hun lo a la ti ve dâwn a ni. Chutih hunah erawh chuan i chan chu a va râpthlak dawn em!

Ni ṭha lo lo thleng tur chu pumpelh turin i sualnate kha zep rûk i lo tum palh ang e,

rorelna niah chuan engkim an hmu chhuak vek dâwn, chumi niah chuan i thil zêp ruk leh soal thuhruk zawng zawng chu engah an la chhuak vek ang a, i سوالنا zawng zawngte a mi thianghlim zawng zawngte hriata an tar chhuah hunah chuan hremhmun lam panin an hruai tawh dawn che a ni. Chutih hunah chuan a chhun a zana nghaisakin i awm tawh ang, chawlh lawk a awm lo vanga, tawp chin a awm hek lo vang. Eng ang fakaua âtnain nge i thinlung hi luaha سوالنا hi i hlauh loh fo chu le, Nebukadnezara meipui pumpelh tur chuan Kaldai mite chuan engpawh an ti hreh lo asin, Pathian thinurna meipui pumpelh tur hian engmah i ti lo vanga maw! Han ngaihtuah nawn leh teh, i سوالنا tenawmzia kha i سوالنا a tihbuai thinzia che leh Pathianin simna hun tha a pek lai che a, i pawisak loh thinzia te kha, inchhirin Pathian chu ngen ngawl takin au rawh, tichuan i thinlung lung anga sak kha tihnemsak tur chein dil la, i thinlung lung

anga sak kha a la bo ang a, thinlung tisa anga nem a pe ang che.

Hlimhlawpna leh soal nawmna zawng zawngte chu kalsan phalin i nun hlui zawng zawngte mausama hnuchhawn turin inbuatsaih la, i hun lo la awm tur zawng zawnga Pathian felna leh thianghlimna thlazar hnuaia a rawngbawl turin inpe ang che. I nunhlui dawn kira inchhira tah ringawt kha soal i kalsan chuan si loh chuan engmah a sawt lo vang, thlemna dodal tur leh soal kawng kalsan tura duhna nei si lovin, soal kawng zawh reng chung chuan Messia hi i soal ngaidam turin beisei suh.

Amaherawhchu, soal kalsan duhna neia Lalpa hnen i pan phawt chuan a ngaihdamna thutiam ropui tak chu a la awm reng a, i hnung tawlhate chu a lo ti damin hmangaihna a lo lawm dawn che a ni. Soalna chu chatuan atan hnuchhawn turin tun atang hian inbuatsaih la, Messia chu thlanga Diabola leh

a hnathawhte chu Lalpa tana dotura inpein a kullhpui nghet takte thiahsak a, Messian “Ngai teh, kawngkhar bula dingin ka kik hi, tupawhin ka aw hriiaa kawng mi hawn chuan a hnenah ka lut ang a, a hnenah zanriah ka ei bawk ang,” a ti. Aw le, nangmahah khan Messia chu lo luh a duh a, i thinlung kawngkhar kha a kiksak reng che a, hawn rawh le, tichuan a lo lut ang a, nangmahah a awm reng tawh ang. Nangpawh a mahah i awm reng tawh ang. Nangni pawh insim loh chuan inboral vek ang. Sim rawh u, Van lalram chu a hnai tawh e.

Chhiartute Lalpan malsawm rawh se, Amen.

He thu ziaik hi Pastor HC Zosanga hian Shofar Chanchinbu Sermon huanga chhuah atan a dam loh hma lawk, February, 2024 thlaa a ziaik a ni. He thu a ziaik lai hian a thu ziaik kan hmuh hnuhnun ber tur a ni tih reng kan ring phak lova, amah pawhin a ring bik lo vang. A thuchah hnuhnung a lo ni ta

reng mai hi hriat thiam har kan tiin kan hlut a, amah kan ngaih a tizual hle mai.

General Conference inbuat-saihna in min nan tak avangin leh thu chhuah tur dan a awm mai bawk si loh avangin a dam lain kan chhuah hman ta lo va, pawh kan ti hle. He thu chhiartu, Sim tur neiten sim phah nan kan hman ngei ka beisei. Ed.



RAMCHHUNG PASTOR-TE RAWNGBAWLNA REPORT

— Elder David L. Hmar, General Secretary



Pastor
ST John Beingachhie



Pastor
C. Liansanga



Pastor
H. Lalfakzuala



Pastor
Robert Malsawmsanga



Pro. Pastor
B. Laimang



Pro. Pastor
Lalramdinmawia

Pastor C. Liansanga:

Dt 11-14 January 2024-khan Chhualung khuaah Chhimtuipui District Inkhawmpui neih niin Biak in thar hawn nghal a ni. Thursday thlenkim niin ni thum hun hman a ni. Chhualungah hian, Chhungkaw 6-awmin members 45 vel an awm bawk. Inkhawmpui Palaite hi an vaiin 110 vel an kal khawm a; chhungkaw 6 hian an lo mikhual vek. Friday hian, rorelna neih a ni. Sabbath niah Biak in hawnna neih nghal a ni a, Bialtu Pastor C. Liansanga'n hawnna leh hlanna a nei nghal bawk a ni.

He inkhawmpuih hian Thupui Mathaia 3:2 “Sim rawh

u, Van ram chu a hnai tawh e,” tih thu hman a ni. Speaker atan ruat a nih angin sermon wawi 5 a nei Pathian khawngaihna zarah mipuite pawn an hlawkpui, thlarau lam boruak pawh a tla tha hle a ni. Biak in hawnna leh a lawmna atan bawngpa lianzet chu Sunday-niah talhin ruai thehho a ni baw! Nauhlan, BT Benaia S/o Lalramchhuani chu Pathian hnenah hlan a ni. Inkhawmpui chhung hian ECM kohhran te pawn an telpui thin a, kohhran pawn lam atanga min rawn telpui thin hi a lawmawm hle a ni. He inkhawmpuih hian, Siata Circle Conference rorelna neih niin inthlanna pawh an nei nghal bawk a. Chungte chu —

- | | |
|---|--|
| 1. Chairman:
Elder B. Biakmang | nghakin a muhil ve leh ta a, Dt 8.2.2024 khan Siaha atangin |
| 2. Vice Chairman:
Pastor B. Rothanga | District Secretary, Deacon H. Asa leh mi dang 8 nen Ainak |
| 3. Secretary:
Deacon C. Lalramzaua | khua panin an chhova, In lama vuina a hman hnuin, thlanmual |
| 4. Treasurer:
Deacon E. Tinsanga | lamah Elder B. Biakmanga'n thlahna hnuhnung a hmang ve thung a ni. |

Heng mite hi 2024-2026 chhhunga hruaitu tura thlan chhuahte an ni.

Dt. 18.1.2024 hian Deacon B. Hmangaihzuala chu Cencer natna tuarin rei tak a lo awm tawh a. Doctor-te an beidawn tawh avangin anmahni khaw lama inenkawl tawh mai turin an haw a, chumi tlawh leh kohhran tlawhin Ainakah chuan a chho nghal a; Sabbath a han hmang a; Deacon B. Hmangaihzuala tan CTP bial chhung khaw tin atangin kanna an thawhkhawm a, Rs.13,500 vel chu a han hlan nghal baw. An chhungkua leh kohhran hote pawh an lawm hle a, Sunday khan a hawsan leh ta a; Deacon B. Hmangaihzuala hi kar hnih hnuah thawhleahna hmasa

Dt 11.2.2024 hian CTP District Executive Committe neih niin Siaha Pastor Quarters Extend dan chungchang leh Agenda pawimawh tak tak rela ngaihtuahho a ni baw.

Assam Circle Conference vawi 30-na Dt 12.2.2024 hian an nupaa Assam Circle Conference hmanpui tura an sawm angin Siaha an chhuahtsan a, Aizawl atangin Evan Joseph T. Hnamte te nupa an kal ve baw a. Guwahati chu tluang takin an thleng a, chuta atangin Pastor Haggai'a'n a lo hmuak. Zinglam dar 1:30-ah Borengajuli an thleng a, zan khat an riak phawt a, a tukah Soharpur chu an pan leh char char a; kawng a thui hle a. Nilenga an tlan

hnuin Zan 7:00 velah an thleng.

A tukah chuan, Pandal hawna leh inkhawmpui Pathian hnenah hlanna Pastor C. Liansanga hian a nei nghal a. Mikhual leh tualchhung amite nen an vaiin mi 100-bawr vel an tling a ni. inkhawmpui thupui hi Rome 7:12 “Dan chu a thianghlina thupek pawh a thianghlina ni” tih thu hman niin, Sermon Vawi 4 a sawi a, Evan Joseph T Hnamte-in vawi 3 a sawi ve thung a. Nuho lam fuihna sawi turin Pi Lalramngaihzuale leh Pi R. Lalhlupuii te chu sawm ve ve an ni a, thutawi sawina an nei ve ve a ni.

Sabbath niah Yeshua thihna leh thawhleha ÷awmpuiin mipa 3 leh hmeichhia 1-in Baptistma an chang; Upa hoten ÷awngtaisakna an nei zui baw. Sabbath inkhawm Service laiin Nauhlan 1 a nei baw. Assam unaute nen hian an inhmu fo ta a; an hlimin an lawm hle a ni. Ni 3 hun hman a nih hnuin, dam takin an inkhawmpuina

hmun aṅangin Mizoram panin an lo haw leh ta a ni.

Kar hnih chhung an thanga an nu, Abawih pawh a damloh phah a; a ke te pawh a vung nasa hle a ni. Lalpan tisa leh thlarau malsawmna nasa zawk a vur ngei ang. Assam unaute pawh tun hma ngaihtuahin an inkhawmpui hman dan pawh a changkang viau tawh a, malsawmna tam tak an dawn belh ngei a beisei thu a sawi.

Pastor Robert Malsawmsanga:

Lunglei Circle Conference wawi 6-na chu tluang takin Chhipphirah January 5-7 chhung khan neih a ni a. Mikhual 35 kal khawmin rorelna pawh tluang taka neih a ni. Mizoram Conference hruaitute aiawhin Elder David L Hmar, General Secretary-in a hmanpui baw. Circle Conference thupui atan hian, **Danglam ngam ringtu**” tih hman a ni a, thusawitu apiang ten ÷ha taka sawiin Thlarau Thianghlina hna a thaw a,

palai kalte zingah – zuk leh hmuam sim tura danglam ngam tura intiam te pawh an awm hial a ni. January 6 (Sabbath) niah Pu V Lalankima chu Elder atan nemnghehna Pastorin a nei a ni.

January 13 (Sabbath):

Lungleiah Sabbath a hmanga, Sabbath sikulah a zirtir a. Inkhawm banin Local Board meeting nei nghalin thupawimawh tak tak ngaihtuah a ni.

January 19-21 (Bial fan):

Hemi chhung hian bial fanna a nei a, Leite, Tuipui (D) leh Hnahthial te a tlawh a ni. Lunglei atangin Elder Kapchhawnan a bial fang hi a zui a, Tuipui (D) leh Hnahthial a tlawhin Elder K Rinsanga, Leite in a tawiam bawka. Tuipui (D)-ah hian Elder K Rinsanga tupa Pu Lalramnghaka te chhungkua (member 4) Leite atangin an pem thla a, an inluahte hmuhpuiin tawngtaina leh fuihna thu sawina a nei a ni.

January 21(Sunday) chaw-

hma lamah Leite Biak In hungchhung thlawh fai hnatlang an thawka, chawnu lamah Hnahthial panin an kal leh ta a ni. Elder H Chhanpiala te nupa pawh an dam tha a, an lo lawm thiam leh hle bawka ni. Leite atangin sawmapakhat leh Hnahthial atangin PKHP target te a bial fanna atang hian a hawn a ni.

January 27 (Sabbath):

Thalaiten kumpuan zirlai an zir tan dawn tawh avangin Lungleiah Sabbath a hmanga, Sabbath sikul leh kumpuan thu zir a zirtir a ni. Inkhawm banah kohhran sum enkawltute thut khawpuiin audit report leh sum enkawl/vawn kawnga tih tur leh tih loh turte hrilhna a nei bawka ni.

January thla chhung hian Lunglei Kohhrana chhugkaw tinte chhung inkhawm a neihpui thin a, report ziah lai hian chhungkaw hnihte chiah hmabak a nei tawh a ni. Pathian awmpuina changin he chhungkaw program a siam hi a

hlawhtling viau a, chhungkua
chauh ni lovin kohhranah pawh
rah duhawm tak a chhuah ngei
a rin thu a sawi.

Pro Pastor B Laimang:

Dec 31 2023 (Sunday) khan
Mamit Pastor Quarter-a hman
tur khum siam hnatlang an nei
a, January 2024 chawlhkar
hmasa ber khan Pastor Quar-
ters bungrua ngaihvenin, remfel
leh tihfaina a nei bawk. Janu-
ary ni 6 Sabbath khan Pu Jo-
seph Ramzaua nen Phaizau
kohhran an tlawh.

January ni 7 (Sunday) khan
khum 2 (5×6 leh 3×6) chu
hnatlangin zawh fel a ni ta a,
December 8, 2023 zan khan
Pastor Quarter chu Pathian
hnenah hlanna Mamit Koh-
hranho nu leh paten an neihsak
a ni. December 9 zan khan
PKTP Mamit Branch Election
chu Elder Lalbiakthanga
Pachaua nen an neihpuia,
thlanchhuah te:

President: Tv Eric Zothansanga

Vice President :

Tv Zaithanmawia

Secretary:

Nl Ramfanmawii Rokhum

Asst Secretary:

Tv Rochungnunga

Treasurer:

Nl. T Chawngmingliani

Finance Secretary:

Tv MS Dawngkima

January 13 (Sabbath) khan
PKTP Mamit Branch hruaitu
thlan thar te tawngtaisakna a nei
a, Sum a Audit nghal a, zan
lamah charge inhlanna a
neihpui bawk. A tuk Sunday
khan Biak in lamah darthlalang
a bel a, zan lamah Elder
Lalbiakthanga Pachaua nen
Kohhran member thenkhat an
tlawh bakah damlo te an kan
bawk.

January 20 Sabbath kha
Mamitah a hmang a, PKTP
Mamit Branch Meeting a
neihpui. A tuk Sunday khan
PKHP Mamit Branch-ten Pas-
tor Quarters a hman tur Sheep
Blanket 2 an lo hlan bawk a ni.

January 27 Sabbath kha Mamit ah a hmang a, Nau hlan-na a nei. Caroline Romalsawmi Pautu D/o Lalringgama Pautu. Thusawina a neih nghal a, 'NUN' thu a sawi.

January thla chhung hian rawngbawlna Kohhran ho hnenah leh pawnah a tul angin a nei a, Elders ten an tawihawm thin a, a lawmawm hle. Chhungkaw thil pawh a tul ang angin a buaipui bawk a ni.

Pro Pastor Lalramdinmawia:

January ni 3 (Nilaini)-ah, Saizawh West a kal a. Kohhran pa ber Elder V. Sangkhupa, natna khirhkhan tuara awm mek chu a va kan a. Hemi ni hian a theih ang angin Bible thute a chhiarsak a, tawngtaina te a neihsak a ni. Biak In pawh luah lum loh a nih avangin a va enfiah nghal a, tihtur a awm a ni tih a hmu.

Ni 4 (Ningani) zana Chawngte (P) Local General Meeting neihnaah a tel a, thil

pawimawh hrang hrang ngaihtuah a ni. Ni 5 (Zirtawpni)-ah Bial fan vawi thumna atan Bungtlang South a pan leh nghal a. A zin kawnga Kohhran khua awmahte chawl zelin, tuang takin tlai lam dar 4:40-ah Bungtlang South a thleng a, an tih thin dan pangaiin, Sabbath intan zan inkhawm an nei nghal a, inkhawm banah a inngahna Local Chairman, Elder HC. Singkhuma te Inah Kohhran ho inkawmhona te, Pathian thu zirhona te an nei a. A cham chhunga hun hman dan tur te pawh sawiho a ni.

Ni 6, Sabbath-ah, Baptisma chang turte an awm avangin zingkarah a chang turte kawmna nei pah fawmin, Kohhran In a tlawh kual zel a, tawngtaina te hmang zelin hun tha tak an hmang a. Zing Inkhawmah 'Baptisma zirchianna' a neihpui a, Chawhma inkhawm banah Ngengpui Luiah member pariat Yeshua hmingin Baptisma a chantir a ni.

Sabbath ral zan inkhawm an

neih chhonzawm a, Deacon J. Ramthanga'n a hun a kian a, 'KAN TIHTUR - THILPEK RAWNGBAWLNA' tih thupui hmangin Pathian thuchah a sawi a. Kohhranhote hmasawna tur an neih kawngah tan lak an tum thu a hriatin a lawm hle. Inkhawm banah Biak In Hall-ah Local Meeting kohngal a ni a. Kohhran tana hmalak ngai thil tul hrang hrang ngaihtuahho a ni.

Ni 7, Sunday zingkarah PKTP, Bungtlang South Branch hruaitu thar ruatna a neihpui a, tluang taka hruaitu tharte an ruatfel hnuah, PKTP General Meeting a neihpui chhonzawm a, PKTP Sum a audit nghal bawk.

Meeting a neih zawhpui hnuah, PKHP, Circle Sum vawna bu thar hmangin Finance Secretary Practical Training a neihpui a. Chumi hnuah Local Sum a audit chhonzawm a ni. Chung thil a tihfel hnuah chuan, Tuidangchhuah panin tlai lam dar 3:00-ah Bungtlang

South a chhuahsan leh nghal a, Dar 5:00pm-ah tluang takin a thleng a ni.

Sunday ral zanah hian Tuidangchhuaha Kohhrante chu tanngtai inkhawm a neihpui a. Chumi zawhah Circle Conference rorelte an inhrilhfiah a, Circle Conference-in dam lo leh tanpui ngaite bakah Mission a dah pawimawh tih a hriatin a lawm ve hle a ni. Kohhran chhungkua an dam tlang a, zan lamah hian hun hlimawm tak hman a ni.

Ni 8, thawhtanni chawhmaah Tuidangchhuah atangin Pu Kaiawnga tunu Naupang fel tak Rosalyni, Bungtlanga sikul tan tur nen Bungtlang South an pan leh a. Chhun dar 12:00-ah an thleng a. Tlai lamah PKHP, Bungtlang South Local sum a Audit fel a. Chumi hnuah, Kohhran In a tlawh chhonzawm a, zan lamah Local Chairman Inah Kohhran Nu leh Pa thenkhatte nen an titiho a ni.

Ni 9, zingah Kohhran a tlawh kim loh te tlawh nan hun a hmang leh a, tukthuan eikhamah Hmunnuama riak turin a kal a, Hmunnuam a thlen tlaiah Kohhran sum audit a nei leh a, zanah Inkhawmna a neihpui a. Tualchhung Kohhran hmachhawpte leh rawngbawlna peng hrang hranga tan lak a ngaihna te sawiin, 'IN RO AWMNA PIANGAH IN RILRU PAWH A AWM ANG' tih thupui hmangin Pathian thuchah a sawi a, Kohhranho nen an hmachhawp ruahman te sawihoin hun hlawkthlak tak an hmang a ni.

Ni 10, Nilaini tukthuan eikhamah, Hmunnuam thalai fel tak V. Rohmingthanga nen Diltlanga riak turin an chhuak leh a. Diltlang Kohhranten midangte ang bawkin, inbuatsaihna tha tak nen an lo chhawn leh a. Zan lamah Pathian biak inkhawm hun an hmang a, Amah zuitu Tv. V. Rohmingthanga (Teroa) chu tanngtaina nei turin a sawm a, tichuan

'PATHIAN CHENNA IN CHHINCHHIAHNA' tih thupui hmangin thu a sawi a. Zan Inkhawm banah Pathian thu leh Kohhran thu leh hla te sawihovin, hlawkthlak taka hun hmanho a ni.

Ni 11, Ningani zingkarah Diltlang Local sum leh PKHP Sum a Audit a, an sum vawn dan a felfaiin an entawntlak takzet. Tukthuan eikhamah muangmarin Khawmawi lam panin, amah zuitu tlangval V. Rohmingthanga nen an chhuak leh a. Chawhnu dar 1 rik hmam an thleng a ni. Zan lamah PKTP Khawmawi Branch te sumtuakna atan chawpchilh deuh angreng takin hnatlang koh a ni a. Branch Secretary nen In tinah an kal dun a, chumi zawhah, a inngahna Elder Lalrinthanga, Local Chairman te Inah, Local sum leh PKHP sum a audit leh nghal a, an sum vawn dan te pawh hmuh a hahdamthlak viau a ni.

Ni 12, Zirtawpni chu zingkar atangin PKTP Khawmawi

Branch hnatlang koh a nih angin amah zuitu Tv. V. Rohmingthanga nen an thawhpui ve a. Elder Lalrinthanga, Branch Adviser te Oil Palm hmun an sam a, an vat bawk a. Tlai lam dar 3:00-ah an bang a. An thawhona a thain, lung a rual hle. Sabbath tan zan inkhawm dar 6pm-ah an nei a. 'LAWM CHUNGA LALPA RAWNGBAWL' tih thupui hmangin Pathian thuchah a sawi.

Ni 13, Sabbath zingkarah Local Chairman, Elder Lalrinthanga, a thlen in pa nen, Kohhran in tin an tlawh a, tanngtaina te an nei bawk a. Sabbath chawhma inkhawm dar 10:30am-ah an tan a. Hetah hian amah zuitu Teroa chu Bible chhiar leh tanngtaina nei turin sawm a ni leh a. Ani'n hun tha tak a hmang thei zel a, a fakawm takzet a ni. Pathian biak Inkhawmah hian 'KRISTIAN NUN DAN TUR' tih thupui hmangin Pathian thuchah a sawi leh a. Kohhran pawn lam atangin mi pahnihin

an lo chhim bawk a ni.

Sabbath chawhma inkhawm banah Kohhran member inkhawm thatlai chuhin thlakho a ni a, tichuan chawhnu lamah PKTP Branch Fehchhuah Programme-ah a telpui a. An sumte pawh audit-in, Kum 2024 Hruaitu thar inthlanna a neihpui nghal bawk. Sabbath ralzan inkhawm neih a ni a. 'KAN HNENA AWM, KOHHRAN VENG-TU' tih thupui hmangin Pathian thuchah a sawi a, Kohhran inkhawm an thain, inkhawm boruak pawh a nuam thin hle. Inkhawm banah PKTP Hruaitu thlanchhuahte post inruatna a neihpui a, Committee a neih chhunzawmpui bawk.

Ni 14, Sunday tukthuan eikhamah Khawmawi an chhuahsan a, Diltlangah an chawl zawk a, Evan HC. Lallawma'n tanngtainain a thlah liam a, Hmunnuam lamah amah zuitu Tv. Rohmingthanga a thlah a. Sum Audit

zawh loh a audit chhonzawm lehngal a, chumi a tihzawh chuan Hmunnuam atangin chawhnuah, Mualbu 'L' panin a chhuk leh a. Tlai lam dar 2:50-ah Mualbu a thleng a, zan riak turin Local Chairman Elder S. Lalnunzira te In a lut a ni. Zanriah kil hmain, Kohhran In a tlawh kual a; zan lamah Local leh PKHP sum a audit leh a. Chumi hnuah Pathian thu leh Kohhran thu leh hla te sawiin, Circle hmalak tum zel dan te report pek a ni. Kohhranho an dam tlang a, hun hlimawm tak hman a ni.

Ni 15, Thawhtanniah, tukthuan eikhamah Chawngte lam a pan a, tluang takin a thleng a ni. A thlen niin, Biak In sakna lamah a kal a. Biak In sak mek pawhin hma a sawn deuh deuh zel a ni.

Ni 19, Zirtawpni zanah Chawngte Circle PKTP hruaituten Chawngte an lo tlawh a. Ni 20, Sabbath inkhawm banah PKTP Chawngte (P) Branch hruaitu thar

inthlanna an neihpui a. Inthlanna neih zawh a nihin PKTP Circle OB Meeting-ah a telpui a ni. Sabbath ral zanah hun hlimawm tak an hmangho a. Zanlai an thleng hial a, hruaitute an fakawm khawp mai.

Ni 21, Sunday tukthuan eikhamah Circle PKTP hruaitute leh Chawngte Branch OB thlan tharte leh a ni mek te bakah Elder leh Deacon te nen Saizawh West Biak In luahlum loh hmun leh a chhung tihfai hnatlang neih a ni a. Elder V. Sangkhupa pawh hnatlang en hian a lo tel ve a. Kohhranho hnatlang a hmuhin a lung te pawh a chhe ve hle a ni. Hemi ni hian Circle PKTP ten an Charity fund atangin pawisa fai an hlan nghal a ni.

Ni 22, Thawhtanni zanah Chawngte (P) Local sum audit neih a ni a, an sum vawn dan a fel hle. Ni 24, Nilaini zanah PKTP Hruaitu charge inhlannaah a telpui a, Ni 25, Ningani zanah PKTP Office Bearers Meeting-ah Ex-Officio Mem-

ber a nihna angin a telpui leh a. Ni 27, Sabbath ni Pathian biak inkhawmah hun a chang a, 'CHHUNGKAW NUNHO DANTUR' tih thupui hmang-in Pathian thuchah a sawi a, Inkhawm banah Local Hruaitu Meeting neihnaah a tel a, chumi zawhah PKTP General Meeting neihnaah a telpui lehngal a ni. Sabbath ralzan Inkhawm banah PKTP General Meeting chhunzawmna a neihpui leh a ni.

Ni 28, Sunday niin, Biak In Slab chhun hnatlang neih a ni a, hetah hian Kohhran nawlpui an thawkchhuak a, tukthuan chaw eiho nghal niin, Tualchhung Kohhran member 42 an thawkchhuak a, Mualbu 'L' Kohhran atangin Patling mi 4 ten an lo pui baw a, an fakawm takzet a ni. Midang chhawr leh tanpuitu dangte nen mi 56 an ni a, Kohhranho tanrualna a lang a, mite hmuhah pawh an mawi zual khawp mai.

Ni 29, Thawhtanniah, tukthuan eikham atangin Slab

chhun hmabak tlem la awm chu an chhunzawm a, thalaite an tangmar baw a, chawhnu 2:30-ah an chhung zo thei a ni. Kohhranho nen an thawhhona a tha taw a, lungruat takin ke an pen a, Pathian khawngaihna zarah Local hrang hrang hmasawmna pawh a inkhairual chho a; beiseina sang tak nen kum 2024 hi an thlir mek a ni.

FEBRUARY REPORT

Ni 3, Sabbath zingkarah Chawngte Kohhran Elder leh Deacon-ten Kohhran chhungkaw kan leh tlawh tura bial an insemna kal zelah a tawiawm ve a. Sabbath tuk apiangin kohhran mite kana, tanngtai hun hmansak chu thla li lai an kalpui ta a, hmasawmna hmuh tur a awm ve zel a ni. Sabbath inkhawm banah PKTP Term thara, Home Visit wawi khatna neihah a tel a, malsawmnain Programme a khar a, chumi zawh chuan Pu Lalruatfela, Bungtlang South dawr, Chawngtea a luah chu Pathian hnenah hlanna a neihsak a. Hetah hian PKTP member ten

an ṭawiawm a ni.

Ni 10, Sabbath-ah khaw-chhungah mitthi an neih avangin an inkhawm thei lova, ruang thlak fel hnuah, Local OB Meeting an nei a. Tah chuan a telpui a. Ni 11, Sunday-ah PKṬP Chawngte Circle OB Online Meeting-ah a telpui a. PKṬP Circle Conference inbuatsaihna kalpui dan tur ngaihtuahho a ni. Chutih lai mek chuan, Meeting neih zawh hmawm Pu Vanlalzawma s/o Elder Vanlalsiama chu a ṭhat vak loh avangin Chawngte Damdawi Inah an tlan chhohpui tih a hriat rualin 8:50pm velah ṭhalai ṭhenkhatte nen Damdawi In an pan nghal a. Hetah hian vawi hnih ṭawngṭaina a hmansak hnuah, zan 11:15pm khan a muhil ta a ni.

Ni 12, Thawṭanni chawhma 11-ah Pu Vanlalzawma chu a vui a. Tichuan, thlanmual lamah Elder Lalṭanpuia'n ṭawngṭaina hun a hmang thung a. Kohhranho an inṭawiawm ṭha a. Harsatna leh buaina awm

lovin LALPAN Kohhranho mawina Pu Vanlalzawma thihna kaltlangin a tarlang a ni. Khawhar In len zan khatna, Kohhran zanah pawh Khuangpu, Keyboardist, Hla hriltu, leh chanvo reng reng Kohhranten an chang vek thei a. Chutiang dinhmuna an dingve thei tawh te ngaihtuahin a lawmawm hle a ni. Ni 13, Thawhlehniah, Thlan nghah inkhawm neih niin, Kohhranin programme a siam a. Kohhran member-ten an ṭawiawm ṭha hle.

Ni 14, Nilainiah, Biak In Verandah ban khur laih hnatlang leh Biak In compound levelling hna thawh chhunzawm a ni a. Ni 15, Ninganiah, JCB hmangin ban khur laih tihruat hnatlang an thawk chhunzawm a, Ni 16, Zirtawpni zingkarah an khawih zo thei a ni. Heng hi kohhran hnatlanga thawh a ni. Ni 16, Sabbath ṭan zan inkhawm banah hian PKṬP Branch Committee Meeting neih a ni a. A tuk, Sabbath zingah a tih ṭhin dan angin, Bial fang remchang lote ai a aw h a.

Kohhran In te tlawhin ṭawngṭaina te a hmang a. Sabbath inkhawm banah Pu Vanlalzawma ralna programme ṭhalaiin an hmannaah a telpui a. Ni 18, Sunday-ah Biak In lamah hnatlang an nei leh nghal a. Biak In sak pawhin hma a sawn ve zel a. Kohhranho lawmna pawh a zual zel a ni. Ni 26, Sunday ah PKTP, Chawngte (P) Branch ten Leirawhchan rawhnaa hman tur thing an tan a, Brick siamna hmunah an dah nghal zel a. Hnatlangah hian a telpui ve leh a ni.

February thla chhung hian Chawngte Kohhran Biak In sakna lamah leh Kohhranin leirawhchan (Brick) a siamna lamah hna ṭul a awm avangin a hun tam zawk chutiang buaipui chuan a hmang a ni.

Pastor H Lalfakzuala:

Dt. 01.03.2024 khan bial fangin Sialhawkah a zin a, a nupui Laltlanmawii'n a ṭawiwam a. Sialhawkah hian Sabbath an hmanga in-

khawmna an neih bakah Kohhran chhungkaw tinte tlawhin an leng chhuak a, a nupui a hruai avangin kohhran hmeichhiate phe chu an lawm zual hle a ni. Inkhawm pawh an ṭha viau a, kohhran inlung- rualna pawh a ṭha a a lawmawm khawp mai. Biak In sa lai an ni a an thawkrimin an ṭang tlang hle a ni.

Sialhawkah hian Sabbath chawhma inkhawmnaah an tlangvalten kohhran dang nula an neih avanga Kohhran member thar duhawm tak tak Pi Zoremsiami W/o Lalrampana leh Pi Lalhmunmawii W/o Lalzuitluanga te lawmluhna ṭa nei a. Nau thar duhawm tak PC Lalchhandami D/o Lalrin- awma leh Jerome Lalruatsanga S/o Lalzuitluanga te Pathian hnena hlanna a nei bawk a. Inkhawm banah hengte hi Lalpa Yeshua Messia hmingin baptisma a chantir —

- 1) Pi Zoremsiami
- 2) Pi Lalhmunmawii
- 3) Tv Lalzawmdika

Dt. 7-10.03.2024 kha Church of God (Seventh Day) Mizoram Conference, General conference vawi 37-na Aizawl hmun neihah a tel a, kum 2024-2026 hruaitu thlan tirtu (Returning Officer) a ni a, Pathian hruaina zarah tuang takin inthlanna neih a ni. Tin, tun inkhawmpui chu Pathian zarah kan hlim tlang hlein ka hria a, thu leh hla bakah rorel leh inthlan thlengin a nuam hle a ni.

Dt. 15-17.03.2024 khan Khawzawl Circle Conference vawi 2-na Vankal Kohhranah neih a ni a, palai an kal tha hle a 60 lai an kal khawm a, inkhawmpui boruak a nuamin kan hlimin kan lawm tlang hle a ni. Tin, Mizoram Conference lam atangin General Secretary, Elder David L Hmar, Deacon Ramnghinga, Pu C. Lalthangkhuma leh Tv Zoramsiama ten an telpui a changtlun phah an inti hle a ni. Inkhawmpui lai hian Lalpa Yeshua Messia hmingin hente hi baptisma a chantir —

- 1) Tv Biakremsanga S/o Deacon Lalnunmawia, Vankal
- 2) Lalremruatsanga S/o Lalrohluah, Vankal

Dt.22-24.03.2024 khan Champhai Circle Conference vawi 45-na Mualkawi Kohhranah neih a ni a, palai pawh an kal tha viau a, riak lut 37 leh langa tel 10 vel an ni. Anni chhungkua erawhchu an Pû, Pastor HC Zosanga thihna avangin an tel tuan thei ta lo va, thlenkim zan chiah an telpui hman a ni. Pastor HC Zosanga vuina hmun Diltlangah an chhungkuain an kal a, tlang hrang hranga Kohhranhoten kan ui tak zet a, kohhrante hmangaihna an dawnnaah chhungkua pawh an lawm tak zet a ni.

Tin, March thla hian General Conference, Champhai Circle Conference, Khawzawl Circle Conference an neih bakah Pastor HC Zosanga damlohna leh thihna avangin bial a fang tam thei lo a ni.

MARCH ZIN KAWNG

— *Deacon Ramngbinga*

Pathian leh a kohhranho zarah kum li zet Kohhran Office-a thawhho takah chuan kawng hrang hrangah kan inzui nasa hman viau mai. Khaw hrang hranah rawngbawlna lama pen chhuah changin kan kalho tlangpui a, in lam leh ram lamah pawh thawkho ta na na na chu thil tihho a lo awlsam bawk a, kan chhuakho tam hman hle.

Tun tumah hian kan General Secretary kal chhuak mai tawh tur Elder David L Hmar hona hnuaiia Khawzawl Circle Conference kan chhim vena leh Mizoram Conference Chairman term hmang zo chiah vanduaithlak taka thihnain thla a zar hnan tak, Pastor HC Zosanga ruang zuia kan kalna bakah Chawngte Circle-a kohhran awmna khua kan tawh chanchin han thai lan ve hi thu dang dah mai tur a awm lem loh avangin hmun awl hnawh khahna ni pah fawmin ka rawn dah ve ta ngawt a. Thenkhat chuan hengte ai chuan Pathian thu tha rawn dah se kan

hlawkpui zawk awm si a ti te pawh in lo awm ngei ang. Chutiang chu kan duhtusam pawh a ni ve reng mai; mahse, thil tha tak pawh hi a hmanrua a awm miau loh chuan tih emaw, neih emaw ngawt theih a ni bik lova. Kohhran Chan-chinbua chhuah atan chuan a hlolam ti kan lo awm chuan thu tha zawk dah tur cho chhuah nan hmang ila, Sermon leh article tha tak tak dah tur rawn ziaak chur chur ula, kan lo chhuah zel dawn a ni.

Aw le, March 7-10, 2024 inkar chhungin General Conference kan hmang zo chiah a, a karleh Sabbath denchhenin Khawzawl Circle Conference vawi 2-na Vankala neih tur chuan Bialtu Pastor-in Kohhrana hruaitute nihna leh hming hmerthin tumah kan sawm lo a ti nachungin Inkhawmpui nghahna hmun Vankal khaw hmuh nan leh Kohhranho hmuhna remchangah lak tumin General hruaitute rem-tihna la hmasa zetin Kohhran Office-a

thawkte kan inbuat-saih a. Thlenkim ni atana ruat, Vau Thla tahrik ni sawm-panga tukthuan ei khamah mahni lirthei neih ve chhun theuh hawl chhuakin Bawng-kawn lamah kan her liam ve ta a ni.

Aizawl atanga Champhai inkar kawng, World Bank Road NH-6 hi laih mek a nih avang-in kawng siam mek leh siam zawh tawh a inawm chhawk zut mai a. Thangsira pa mai lum ang deuhin kawng chhia leh tha a inlan chhawk zut mai a. Keini ang chungkhuh nei ve ta lo chu vaivut khu kara han tlan ve chiah zawng a nuam han tih tur chu ni miah lo mah se a hlimawm phian a. Eng emaw ti tiin Keifang thlen hma kawn zam phei thui ve deuh laia Indian Oil Petrol Pump chu kan thleng chho ta a. Kan lirthei tui kan hman phai tikhat leh turin Pump kan lo belhbul lai takin kan hnung dawltu Pu David-a chu kawng tha lai a lo ni bawk nen a rawn tlan tlang puat a, kan au hman ta lo. Keifangah 2W Workshop kawtah lo dingin a breakshoe a lo siam thattir dawn

mek chu kan han hmu a.

Chuta tang chuan kan tum ram lam panin kan inzui chho leh ta a. Pu David-a khan kan ruala petrol a thun ve tak loh avang khan Saitual Petrol pump lamah a va thun ve leh a, chutih chhung chuan keini Thang-bawiha nen Champhai Road lamah Thingpui kan lo in a, a lo thlena a inthun puar ve hnuah kal kan siam leh ta a. Kan hmaah Truck a kal avangin kawng chep laiah motor intawk lawi vangin kan khawtang leh ta phawt a. Rulngan pa ang lo deuh, a inlipna ni awm zawk tak kawng chu kan zawh thla leh ta bauh bauh phawt a ni.

Kal zel takah chuan kawng mam tha lai kan chuan chhuah leh meuh chuan kei, kawng tha tlan muan tlawma la deuh tlat chu ka han duk leh ta velr a, ka thiante erawh ka rin ang lo deuhin an Cool deuh ruih ni ber hian ka hria. Kawng siam zawh tawh laia tlan chu nuam singkhaw a ni ngawt a, Scooty pawhin 80km/h kan hawlh thuak thuak chang a tam mai. Helai kawnga

ka hawlh san ber lai chu 84km/h a ni ve tlat.

Chutia kal zel ta chu Dulte peng kan thleng chho a, kawng mam tha ve ve kha a lo kâk ta si a, khawi zawk nge zawh tur kan hre leh ta lova, kawng sira thlai zawrhnaah chuan kan han zawt leh a, a hnuai zawka kal tur a nih thu min lo hrilh a, i he lovin kan zawh leh ta a. Kawlkulh dai kan thleng a, an bazar-ah chuan zawh tur lam kan han zawt leh a, kan tlan leh ta vang vang a. Ruamah kawng siam laiah kan lut thla a, Vankal panna tur kan han zawt leh a, Kawng hlu lam chu kan zawh let leh ta a. Vankal peng pawh rei vak loah kan thleng ta a. RCC kawng peng chu zawhin kan liam leh ta a ni. Peng aṅanga thui vak loah kawng chu chhuk leh chhe deuh takin a lo awm a, a hnuai zawk zawh tur tih an lo sawi sa avangin kan chhuk ta zel a. Tuichang luiiah kan chawl hlek a, chuta ṅang chuan kawng chu a chho ṅan ta a. A phut bawk si a! Chuta kan kal chho ṅan tihah chuan ka rilruah Vankal kal tur chuan chhuk leh chho, vaivut leh

vaivut khu karah tlan a ngai a, he kawng hi kawng tha zawkah lei dawh lai mek a nih avangin tui dai a ngaih dawn avanga a helna a ni a, tunah rih chuan kawng chhe zawk zawh a ngai a lo ni.

Vankal pana kan kal mek laiin vaivut khute a lo zing thin a; mahse, kan kal pelh hun chuanin vut leh thawpik a kiang ang tih ring chungin kan tlan chho zel a; khawvar dawnah thim a zual tih ang deuhin vut duk chhah chu a lo zual ta hle a, eng emaw ti tia kan tih chhoh nawk nawk hnuah RCC kawng chu kan pawh leh ta. Vaivut khu thim chu a kiang ta a ni. Mahse, Vankal chu kan la thleng lo. Vankal thleng tur chuan fimkhur taka tlan a la ngai cheu. Hrehawm tawrh vang ringawtin van khawpui hi thlen mai tur a la ni lo. Chumi hma chuan harsatna leh fimkhurna tur tam tak a la awm zel dawn. Kristiana kha a phurrit tih-tlaksak a nih khan Van ram panna kawng a zawh ṅan dawn chauh a ni tih kan hriat kha. Chutiang chuan Vankala Khawzawl Circle Inkhawmpui hlimawm leh

nuam thleng tur chuan kawng laka harsatna leh buaina la tawk thei kan ni. Kan thlen hnuah chuan kan beisei Inkhawmpui boruak chu kan tem dawn chauh a ni.

Vankal Solar Park kan lut chho ta. kawng tawn tawn, chhak leh thlangah chuan Solar Module a lo bawk thim khup mai le! Hmeithai in khuhna tawk lek lekin hlawm hrang siamin, hlawm khatah module sawm zel an rem khawm a, a lo cham put mai a, hmuhnawm tham zeta tam a ni. Power chhun khawm nana an bun thih thiah te chu an zai vung vung mai nia. He Ni zung chakna hmanga kawlphehtha siam chhuah hi 20 MW laia ni a. Mizoram Sorkarin Phai lam atanga power a leina rate aia cheng khat chuanga lei tlawmin Unit khat Rs 3.94-in a lei mek.

Tin kal zelin Van khawpui chu kan thleng ta. La kal ngai lo thiau kan nih avangin Kohhranho in awmna pawh hriat kan nei lova. Kawng dung zawh zelin, kan kawng zawh chu a tawp hnai ta

hle tihah kawtlaia lo awm te hnenah chuan, 'Khawng Pu Remsiana in hi?' tia kan zawh chuan. Nu pakhat hian, "Saw, sawlai in rawn tlan pelh tak kawng thlang lama In eng duai saw nih saw," tiin min lo chhang a. Kan han hawi let chuan, in bang rawng langsar tak chu kan va hmu a. (Ka rilru tetein 'chu nu chuan Pu Rema in bang rawng chu a mawi a tihtpui bik chiah lo a ni ang maw! A eng tistalih mai lova, eng duai a tih kher danah' ka ti deuh a. A ni taka, a eng sen deuh duai tak tak a, He he. Kan va phei leh chuan in-chhunga mite chu lo chhuakin kan han inchibai lawp lawp a. Ni e, Pathian mite hi chu kan thu sawi an rilruah a tla na thei vak lo a nih pawhin kan eng emaw tal hi chuan an rilru hi luah ve ngei se, rinna kawngah pawh kan danglam a ni tih an hriat phah ve ngeina tur a lo nih theih nan, danglam bik kan nihna hi pho lang thiam ila tih a lo lang leh zuai a nih chu.

Kan inchibai zawh chuan, Biak In lamah mikhual hmuah a ni a,

in pan thla mai dawn em niang,” tiin a kalkawng te chu min han kawh hmuh a, kan chhuk leh ta a. Biak In chu kan zuk thleng a, a tua mah hmuh tur an lo awm lem hlei law. Kan hawi he haw lai chuan, naupang pakhat hian, “Pu Nunmawia Inah mikhual hmuahna chu a nia,” tiin Biak in piyah deuh in chu min kawh hmuh leh ta a. Chuta kan va thleng chu Kohhranho pawh an lo awm nak nak a. Thingpui lum leh fatu an lo zi nak nak a. In chhungah lutin kan han thu chawl a, thingpui te kan in zawh chuan kan thlenna tura an lo ruat lawk, Veng lai lamah kan in khalh chho leh ta a. Min hruaituten kan thlen in tur min han hrilh chuan le, Champhai leilet vuak zawl nana a hman Pu Chhura Talhtum an dahna Hall ngei mai bul chiah Pi Laiawrhi inah ngei mai chuan kan inngat ve ta a ni.

Kan thlen innu chu a in a tet deuh avangin a lo inthlahrung zawk em em mai a, keini pawh kan thlen tirh chuan kan rin aiin chep chu kan ti ru deuh nain kan han awm tlangnel hnuah chuan

nuam hi kan ti leh em em thung a. Zingah erawh duh ai chuan Pu Hmaa (Elder Lalmangaiha, Khawzawl) tih takah min rawn pal hma deuh thin a; mahse, a lo kal tawh chuan kan hlimpuiin kan nui nasa thei khawp mai. Pa fiamthu duh tak a lo ni reuh a!

Thlenkim zan atangin Bial inkhawmpui chu tan a ni a, Inkhawm a nuam a, zai pawh a nuam. Thuhritute pawhin an sawi thiam a, ngaihthlak a nuam khawp mai.

Keiniho hi sawi lawk lova thawn thut tum kan ni nain, an lo hre rang viau a, Pu David-a a kal dawn tih an hriatin zaia rawngbawlina a neih theih nan Sialhawk lam unaute chu an Combo Amplifier keng turin an lo chah nghal a, Pu Thangbawiha a tel dawn tih an hriat avangin zai hruai nan Keyboard an lo hawh chawp chuk chuk bawh hi a lo ni. An beiseina ang takin ka kalpuite chuan an talent an thawh tha a. Kei erawh thiam nei ve ta lo chu tih tur ka nei ve vak lo. Inkhawmpui tiak dawn

zanah Inkhawm kaihruaitu, Deacon Laldanzuia'n thawhlawm hlan tura min sawm chu he inkhawmpui chhima ka awm ve chhunga ka tangkaina chhun a ni; a bak zawng chu tui ti taka an ei siam han ei kha a ni deuh mai. Inkhawmpui chung hian zing leh tlaiah chaw eiho vek a ni.

Sunday ni chu Rorel nia hmangin keini chuan lenkualna hun atan kan lo hmang ve thung a. Vankal Sial leh Dullai Sial insikna hmun kan tlawh a, Getsemani huan-ah kan leng a, Solar Park kan tlawh leh bawk.

General Secretary kal chhuak mai tawh tur zui kan ni a, haw lam pawh kan la tlawh chhuah loh Sialhawk tlangdung lama haw kual tum kan ni a. Chutianga kan tum dan a hriat chuan Bialtu Pastor, Pu Faka chuan Champhai bial lam tlawh a, Sazep Biak In sak mek te pawh tlawhpuaia Champhaia riak turin ruahmanna min siampui a. Mahse, Sunday zan inkhawm kan bang chuan thu thar hriain, Pastor HC Zosanga dinhmun a

tha lo hle tih kan hriatin Champhai bial lam kal kual chu kan thulh leh ta a ni.

March ni 18, 2024, Thawh-tanni zing, tukthuan ei kham chuan inkhawmpui te a lo tiak ta bawk a, Vankal khua chu Kohhranhote ngai leh thlahleh tak chungin kan chhuahsan leh ta a. Khawzawl lamah chhovin Bialtu Pastor te chungkuain kawng lakah min lo nghak pahin kan hmaah an tlan a, "Kawng zau taka hawnin a awm, Kawng eng mawi nuam tak mai chu," tih ang deuhin kawngpui zau nuam tha takah chuan kan phak tawka chakin kan tlan leh ta ngar ngar a. Khawzawlah Deacon K. Roluahpuaia inah kan chawl a, thinpui kan in zawhin Pastor Faka hmalakna leh sulsutnaa Pastor Quarters an sak mek chu kan thlirho a. An hmalakna a ropui a, an thawhrimna hmuh a nuam khawp mai. Hemi hnu hian Pastor te nen inthenin annin an awmna Champhai lam an pan a, keini chu Sialhawk Biak In sak mek enpui leh turin kan kal ve thung a.

Chhumliamkawn aṅangin ding lam kawng zawhin kan tlan khu leh ṅan ta. Helai kawng pawh hi siam that mek a nih avangin kawng tha leh tha lo a inchhawk phei leh ta zak zak mai. Chawngtlai kan thlen aṅang phei chuan kawng chhuk boulder phah thara tlan chu a namai lo hle. Map aṅanga en khan he tlangdung hi phei lak turah ka lo ngai ngawt a, a lo ni lo nasa! kan chhuk ngar ngar a, hmun thenkhatah phei chuan boulder dup ka ti mai, lung chang tak tak vuak nawi kawnga phah chu han chil zawng khan a dup dul mai si a, tihfuh loh phei chuan lirthei ke tè tan chuan han tlan that thatna tur a awm nual mai. Tlan chak theih a ni si lova, rin aiin Khawzawl leh Sialhawk inkar chu kan thang rei ta phian a ni.

Sialhawk kan theng chu Deacon Sawmtea'n min lo hmuak a, Deacon Laldanzaia (Dantea) te inah thingpui nen min lo hmuak a, thingpui ina kan thut haḍdam hnuah an Biak In sak mek chu kan thlirho ta a. Kohhran member ngaihtuahin an sa ropui

khawp mai, thawh tur hmabak a la ko hle. Tha taka an sak zawh a nghahhlehawm a, an thawhrimna a fakawm hle mai. Sak zawh a nih hunah chuan Sialhawkah Biak in tha tak kan nei ngei dawn tih a chiang.

Hemi hnu hian Elder Lalbiaknunga (LB Chhinte) te in kan tlawh leh a, In dang erawh kan hmuhpui hman ta lo, khua a tlai lam tawh a, kan kalna tur a la thui si a, rei pawh chawl lovin kan liamsan leh ta a ni. Biate-ah pawh chawl lovin kan tlang a, E. Lungdarah thingpui inin kan chawlh a, N. Mualcheng kan thlenin khua a thim ṅan. Keitum leh Serchhip, inkar kawng siam mek chu zan thilah chuan tlan a harsa ve khawp mai, han tlan sual deuh zauh pawh a awl viau. Tichuan Thenzawl kawng lamah her thlain Chalkhan kawng aṅangin Sialsuk lamah tlan zelin zan dar 10 velah Aizawl kan lut ta a ni.

Pu Sanga damlo chuan ziaawm lam a pan thei lo hle a. Zan lamah a thei thei Ebenezer

Hospital-ah kal thin a ni a. Zirtawp zana menpui turah kan kal leh chuan a dinhmun a tha lo zual hle a. Hlauthawng taka kan ngaihchan laiin Zanlai a lo nih chuan mihring lam tih theih a awm ta lo. Kan thlabar a, kan khua a har a, kan la ui leh thlakhleh ngawih ngawih Pu Sanga chuan min lo muthilhsan ta. Kan ngai a ni.

A ruang zui hian kan kal ve leh ta a. Sabbath tlaiah Diltlang kan thleng a. A tlai a tlaia vuina neia phum nghal a ni. Zan khat kan riak a, Keini erawh Bungtlang South-ah kan riak chho a, Kohhran awmna khua, Hmunnuam kan hmuh phah leh bawk. Sunday Thlan nghah niah hunserh hman zawhin chawhnuah Chawngte 'P'-a riak turin kan chhuk a. Kan kal kawngah Kohhran awmna khua kan la hmuh loh Mualbu 'L' te kan hmuh phah a, hetah hian kohhranhoten Thingpui nen min lo hmuak a. Biak In te kan en a. Tichuan Chawngte 'P'-ah zan khat kan riak a. Elder Lalpanpuia ten duhsakna sang ber nen min

lo thleng a, an Hotel room nuam berah min dah a, kan lawm takzet a ni.

Chawngte 'P' Biak In sak mekte, Biak in bang tur an Leirawhchan siam te kan thlirho a, Zanriah tuihnai tak min hlui a, kan puar hle. Zan a lo ni a, Saizawl West-ah Elder Sang-khupa tlawh pahin Biak In kan tlawh a. Kan haw leh hnuah Pastor Zosanga Inah hunserh hmangin kan thukhawm leh a. A tuk Thawhtanni zingah Deacon H. Hmingthansanga te chhungin chawhlui min buat-saihsak a, tlai leh puar taka kan ei hnuin Chawngte 'P' kan chhuah-san leh ta a ni.

Lunglei kan thlenin Deacon R. Lalpanpuia ralin kan chawl a. Tawngtaina hun te kan hman zawhah Lunglei kan chhuahsan leh ta a ni.

Tlang tin mual tina kohhran unaute hmel hmuh a hlimawmin an zinga khawsak a nuam thin; tuanna mual a dang a, inthen a ngai leh thin si a.

SUNNA**Pastor HC. Zosanga**

Pastor HC Zosanga hi Upa Bukchhunthanga (L) leh Pi Chuantlemi (L) te fa pasarih zinga naupang ber niin April 21, 1957-ah Belpai khuaah a lo piang a, a pa hi kum 1964-ah a boral a, a nu hovin an hmeithai ta a. Primary School chu Belpai a kal a, kum 1966-a Mizoram buai a lo nih khan an khua chu hâl a lo nih tak avangin heng khua — Rangte, Tuizung, Suam-pui, Rengtlang, Mualbu 'L' leh Chawngte 'P'-ah te an lo awm kual ve tawh.

An unau chu —

1. Darchhungi
2. Lalliankima (L)
3. Lalchhungi
4. Lalthankimi (L)
5. Lianmawii

6. HC Lallawma

7. HC Zosanga

Class IV-VI chu Govt Middle School Chawngte 'L'-ah a kal a, Class VII-VIII chu Govt JL High School-ah a zir a, Class IX hi Chawngte Govt High Schoolah a zir a; amah-erawhchu, chhungkaw har-satna avangin a zir chhun-zawm thei ta lova, an chhungkaw enkawlnan a rem rem thawkin hun a hmang thin.

Kum 1983-ah Aizawlah puan thui a zir a, kum 1984-ah thla 6 chhung Coat thui Aizawlah bawk a zir leh a, tichuan Chawngte 'P'-ah khawvela a eizawna tur bul a tan ve ta a ni.

Kum 1984 December-ah F. Laldingliani nen an innei a, fa erawh an nei lova, kum 1999-ah an inthen ta a, chuta tang chuan kawppui tur reng reng a rilruah a awm tawh lova, a boral thlengin kawppui nei lovin a awm ta a ni.

Rawngbawlna lama a tlan hmain khawtlang lamah VC member te YMA Branch hruaitu, President leh Secretary te leh Palitical Party, Indian National Congress-ah Unit President te lo ni tawhin khawtlang tan theih tawp a lo chhuah ve thin.

Pastor Sanga hi fiamthu ngaina leh titi pawh a thiam viau a, a bula awm hi miin nuam an ti thin hle a ni. Mi rilru tina zawnga tawngkam hman te hi pumpel hram a tum thin.

Kum 1968-ah Church of God (Seventh Day)-ah a nipe a, an chhungkaw zing-ah lut hmasa ber a ni. Koh-hrana a luh tirh hian Dar vawtu nih a duh tlat avangin chu hna chu lawm takin a thawk thin.

Kum 1984 vel atangin Chawngte 'P' Kohhranah Deacon hna a chelh tan a. He nihna hi kum li vel a chelh hnuah Elder atan hlan kai a ni.

A eizawna puan thui hna

chu bansanin Pathian tan hun puma rawngbawl tura inpek a thlang ta a. MPKHP ten Tirhkoh rawih tur an zawn mek laiin a dil ve a, January 1, 2003 atangin MPKHP-in Tirhkoh atan an ruai tan a. He hna hi kum 2007 February 28 thleng a thawk a. March 1, 2007 atangin Mizoram Conference-in Pastor-ah a hlang kai ta a ni.

Pastor a nih tirh atangin Aizawlah awmin Bial bik awm lova Pastor-ten Mizo-ram pum an enkawl lai a ni a, hmun hrang hrangah a zin kual thin. Mizorama Kohhran awmna kuaah chuan amah hre lo hi an awm lo vang. Bial bik nei lova Aizawl atanga a vil chhung zawng hi March 1, 2007 — April 6, 2010 chhung a ni.

Kum 2010 April ni 7-ah Lunglei bialtu atan dahngheh a ni a. April 15, 2018 thleng a awm.

Lunglei atangin Ngeng-pui West Circle (Tuna Chawngte Circle ni ta hi) a vil tel baw.

April 16, 2018 aṭangin Aizawl Circle bialtu tura dah a ni a. April 1, 2022-ah Pastor hna aṭanga pension tawh tur a ni a, a pension hma hretin March 16, 2022 aṭangin Mizoram Conference Chairman hna a chelh tak avangin Aizawlah a awm chhunzawm leh ta a ni. March 7-10, 2024 chhunga General Conference pawh damlohna avngin a tel thei lo va, March 10, 2024-a Chairman thlan thar hnenah charge pawh hlan thei lovin Damdawi inah hun a hmang chho ta a ni.

Pastor Sanga hi hun rei tak aṭang khan Zunthlum leh Thisen sang vangin a lo buai tawh ṭhin a, amah a insum theih em avangin a natna hi a thunun thei hram hram a. A natna hian hneh hret hretin March 3, 2024 khan a thaw hah avangin Ebenezer Hospital ICCU-ah dah luh a ni a, ziaawm lam a pan hret hreta kan hriat laiin March 17, 2024 khan thawk lamah hrasatna a neih avangin ICU-ah dah luh a ni a. Hemi ni aṭang hi chuan

hniam lam pan hret hretin March 23, 2024 zanlai dar 12:15 khan Thawhlehma hmasa nghakin min lo mithlilhsan ta a ni.

A ruang hi a chenna Bungkawng Vengtharah lak a ni a, Pastor K. Rothanga, Aizawl Local Chairman-in ṭawngṭaia thlahna a neih hnuah Zing lam dar 3 velah Diltlang pana chhuahpui a ni.

A ruang phurh pheina kawngah hian Sekhumah Elder H. Zosailova te chungkuain zing thingpui an lo siamsak a, Lunglei Kohhran ten Tukṭhuan ei tur Deacon Aggasi Zoram-mawia te inah an lo buatsaih a, Khawmawi Kohhran ten lo hmuakin, Thingpui leh artui an lo hlui leh baw a. Kawng lakah buaina taw lovin Diltlang chu tlai dar 4-ah thlenpui a ni ta a. Tlai dar 5-ah vuina hman ṭan niin Pastor ST John Beingachhie-in vuina hun a hmang a. Thlan-mualah Pastor C. Liansanga'n ṭawngṭaia in thlah a, Zan dar 7:30 velah vui liam a ni ta a ni.